



KEV XEEM NTAWV (ACCESS) rau cov menuam Kawm Ntawv Askiv (ELLs) thiab Lwm Qhov KEV XEEM NTAWV (Alternate ACCESS) rau cov menuam Kawm Ntawv Askiv (ELLs) thaum lub sij hawm muaj tus kab mob COVID-19 Kis Thoob Plaws.

Qhov es yuav tsum tau xub ua ua ntej tshaj plaws ntawm lub tuam tsev saib kev kawm ntawv hu ua Minnesota Department of Education (MDE) yog tiv thaiv kev noj qab hauv huv thiab kev nyab xeeb puaj phais ntawm cov tub ntxhais kawm ntawv thiab cov xib fwb thaum lub sij hawm xeem ntawv thoob plaws hauv lub xeev. Ib lub tsev kawm ntawv hauv paus loj (school district) thiab cov tsev kawm ntawv charter school twg yuav tsum tau tsim ib co tswv yim ceev faj npaj txog tiv thaiv kev noj qab hauv huv thiab kev nyab xeeb puaj phais raws li cov ntaub ntawv tau muab los ntawm lub tuam tsev MDE thiab lub tuam tsev saib xyuas kev noj qab haus huv Minnesota Department of Health (MDH).

KEV XEEM NTAWV (ACCESS) rau cov menuam Kawm Ntawv Askiv (ELLs) thiab Lwm Qhov KEV XEEM NTAWV (Alternate ACCESS) rau cov menuam Kawm Ntawv Askiv (ELLs) yog dabtsi?

KEV XEEM NTAWV (ACCESS) rau cov menuam Kawm Ntawv Askiv (ELLs) thiab Lwm Qhov KEV XEEM NTAWV (Alternate ACCESS) rau cov menuam Kawm Ntawv Askiv (ELLs) yog cov xeem kom soj ntsuam tau kev paub lus Askiv zoo li npaum li cas es yog tus xeem siv los luij xyuas txog tej yam lub teb chaws thiab lub xeev cov cai es tau hais tias yuav tsum tau muaj (federal and state legislative requirements). Cov kev xeem soj ntsuam kom paub no siv los saib kom paub txog cov tub ntxhais kawm ntawv Askiv seb lawv kawm ntau nce qib li cas thaum lawv xyaum kawm nyeem ntawv, sau ntawv, mloog cov lus hais, thiab hais lus Askiv.

Vim li cas peb thiaj li muab cov xeem no rau lawv?

KEV XEEM NTAWV (ACCESS) rau cov menuam Kawm Ntawv Askiv (ELLs) thiab Lwm Qhov KEV XEEM NTAWV (Alternate ACCESS) rau cov menuam Kawm Ntawv Askiv (ELLs) cov qab ne qhia tau ntau yam tseem ceeb txog kev kawm tau ntawv Askiv zoo los tsis zoo rau tsev neeg thiab rau cov tsev kawm ntawv. Cov tsev neeg yeej siv tau cov theem ntawm cov qhab nes cov menuam xeem tau zoo thiab tsis tau zoo thiab cov lus piav qhia txog lawv cov xeev kom thiaj li nkag siab txog kev kawm ntawv nce tau zoo los tsis zoo ntawm lawv tus menuam thiab thiaj li paub nrog lub tsev kawm ntawv sib tham kom pab tau lawv tus menuam txoj kev kawm ntawv.

Cov xib fwb thiab cov tsev kawm ntawv yeej siv tau cov qhab nes no los soj ntsuam cov tub ntxhais kawm ntawv qhov kev kawm ntawv nce los tsis nce ntawm kev kawm ntawv Askiv, kom lawv paub npaj cov tswv yim los qhia ntawv, thiab kom paub luij xyuas txog lawv qhov kev pab qhia lus Askiv. Cov tsev kawm ntawv yeej siv tau cov qhab nes no los txiav txim siab seb tus menuam puas tau npaj tau muab nws rho tawm ntawm cov kev pab xyauam kawm lus Askiv.

Qhov qhab ne ntawm cov xeem hauv tsev kawm ntawv – thiab tsev kawm ntawv hauv paus loj (district) yog siv rau hauv lub teb chaws Meskas thiab lub xeev qhov kev luij xyuas kom lawv muaj kev lav phib xaub txog kev qhia ntawv (federal and state accountability measurements).

Lub sij hawm twg cov tub ntxhais kawm ntawv mam li muaj qhov KEV XEEM NTAWV (ACCESS) rau cov menuam Kawm Ntawv Askiv (ELLs) thiab Lwm Qhov KEV XEEM NTAWV (Alternate ACCESS) thaum xyoo kawm ntawv 2020-21.

Cov tub ntxhais kawm ntawv yeej xeem tau cov xeem no ntawm lub Ib Hlis Ntuj Hnub Tim 25 mus txog rau thaum Lub Plaub Hlis Ntuj Hnub Tim 16, 2021.

KEV XEEM Qhov kev XEEM NTAWV (ACCESS) rau cov menuam Kawm Ntawv Askiv (ELLs) thiab Qhov KEV XEEM NTAWV (Alternate ACCESS) no yuav xeem li cas?

Ob tug xeem XEEM NTAWV (ACCESS) rau cov menuam Kawm Ntawv Askiv (ELLs) thiab Lwm Qhov KEV XEEM NTAWV (Alternate ACCESS) yuav tsum tau xeem pem tsev kawm ntawv, txawm tias cov menuam kawm ntawv nram tsev (distance learning). Koj lub tsev kawm ntawv yuav tsum tau ua raws cov kev npaj kom muaj kev noj qab nyob zoo thiab kev nyab xeeb puaj phais es lawv tau tsim tseg thaum cov tub ntxhais kawm ntawv tuaj xeem hauv tsev kawm ntawv. MDE, koom tes nrog MDH, yeej tau muab cov kev cob qhia, muaj xws li qhia tias yuav tsum tau so cov ntaub ntawv xeem no li cas kom huv si, kom paub tias yuav tsum nyob sib nrug deb li cas, thiab muaj tsheb npav thauj mus los thiab muaj mov rau noj yam li yuav tsum tau muaj.

Feem ntau ntawm cov tub ntxhais kawm ntawv yeej xeem tus XEEM (ACCESS) no hauv lub computer/online, tabsis tej co tub ntxhais kawm ntawv es tsim nyog muaj kev pab yeej xeem tau nrog daim ntawv thiab tus xaum. Ntawm qhov xeem lwm qhov kev xeem (Alternate ACCESS), cov xib fwb nyob nrog ib tug tub ntxhais kawm ntawv twg ntawm lub caij nws xeem ntawv es yog siv ib phau ntawv xeem.

Puas muaj kev luj xyuas rau kev noj qab haus huv thiab kev nyab xeeb puaj phais es yuav tsum tau tswj kom muaj pem tsev kawm ntawv?

Cov tsev kawm ntawv es qhib qhia ntawv tim ntsej tim muag los yog siv lub tsev yim kawm hybrid distance learning yuav tsum tau ua raws li cov kev cob qhia tau teeb nyob rau hauv [Safe Learning Plan for the 2020-21 School Year](#) (Cov tswv yim npaj kom kev kawm ntawv nyab xeeb puaj phais rau xyoo kawm ntawv 2020-21) es tsim tawm los ntawm lub tuam tsev MDE thiab MDH. Txhua txhua tus neeg nyob hauv lub tsev kawm ntawv yuav tsum tau looj daim ntaub npog qhov ncauj qhov ntswg thiab yuav tsum ua raws li qhov es sawv sib nrug deb. Cov tsev kawm ntawv yeej tau hais kom lawv yuav tsum tau siv cov ntaub muaj cawv cuaj caum los so cov chaw kom huv tas mus li. Cov ntaub ntawv siv los xeem los yuav tau muab so ua ntej coj los siv ib zaug twg. Cov tsev kawm ntawv kuj yuav txwv tsis pub neeg nkag los hauv lub tsev kawm ntawv kom coob thiab yeej soj ntsuam xyuas tag nrho cov tub ntxhais kawm ntawv thiab cov xib fwb seb lawv puas muaj tus yam ntxwv mob ntawm tus kab mob COVID-19. Ib tug neeg twg es muaj tus yam ntxwv mob ntawm tus kab mob COVID-19 yuav tsis pub lawv nkag los sab hauv lub tsev kawm ntawv.

Yog tias lub tsev kawm ntawv siv lub tswv yim qhia ntawv tom tsev (distance learning), lawv yuav tsum tau ua raws li cov kev kom muaj kev nyab xeeb es yuav ua li cas tau teeb sab saud.

Yuav ua cas yog tias kuv muaj kev txhawj xeeb txog kev noj qab haus huv thiab kev nyab xeeb puaj phais ntawm kuv tus tub ntxhais kawm ntawv los yog kuv tsev neeg thiab tsis xav kom lawv mus pem tsev kawm ntawv mus xeem ntawv?

Yog tias koj tus menuam kawm ntawv tom tsev (distance learning), thiab koj tsis xav kom koj tus tub ntxhais kawm ntawv mus pem tsev kawm ntawv mus xeem ntawv vim yog koj txhawj txog kev noj qab haus huv thiab kev nyab xeeb puaj phais es muaj feem xyuam nrog tus kab mob COVID-19, koj tus tub ntxhais kawm ntawv yuav tsis muaj cuab kav xeem Qhov kev XEEM NTAWV (ACCESS) rau cov menuam Kawm Ntawv Askiv (ELLS) los yog Lwm Qhov KEV XEEM NTAWV (Alternative ACCESS). Yog hais tias koj tus tub ntxhais kawm ntawv tsis xeem, lawv yuav tsis muaj lub hwv tsam raug rho tawm ntawm qhov kev pab kawm lus Askiv xyoo nov. Yeej tsis muaj ib qho kev rau txim yog koj tus tub ntxhais kawm ntawv los yog rau koj tsev neeg yog tias lawv tsis koom tes nrog qhov kev xeem ntawv. Yog tias koj tsis xav koom, ces qhia rau koj lub tsev kawm ntawv paub.

Yuav ua li cas kuv thiaj li yuav paub ntau tshaj nov?

Tiv tauj koj lub tsev kawm ntawv kom paub ntau tshaj txog cov ntaub ntawv qhia txog kev noj qab haus huv thiab kev nyab xeeb puaj phais tias yuav tsum tau ua li cas thaum lub sij hawm muaj kev xeem ntawv thoob plaws hauv lub xeev thiab cov qab ne no yuav muab siv li cas los txhawb koj tus tub ntxhais qhov kev kawm ntawv kom paub lus Askiv.

[ACCESS Parent Fact Sheet](#) (Daim ntawv qhia tseeb txog tus XEEM (ACCESS) Rau Cov Niam Txiv) yeej muaj nyob rau hauv lub tuam tsev MDE lub vas sab (nyob hauv qab Students and Families > Programs and Initiatives > Statewide Testing) es yog muaj sau ntau hom lus. Nws yeej muaj ib co ntaub ntawv qhia ntxiv rau cov niam txiv nyob hauv lub vas sab [WIDA website](#) es yog muaj sau ntau hom lus (saib mus rau ntawm tus lej 3). Thov sau email mus rau mde.testing@state.mn.us yog tias koj muaj lus nug txog tus XEEM NTAWV (ACCESS) los yog Lwm Qhov KEV XEEM NTAWV (Alternative ACCESS).